





温州市图书馆

WENZHOU LIBRARY



温州市图书馆


WENZHOU LIBRARY



温州市图书馆

WENZHOU LIBRARY

0106a



温州市图书馆

WENZHOU LIBRARY



温州市图书馆

WENZHOU LIBRARY

珍聞

嗣

序

予年弱冠讀書家塾時枕琴應翁方講學西林蘭若予家塾西偏
 僅一垣隔耳每相過從枕琴不余鄙棄訂忘年交往往為予言其
 家越山先生者好修而篤學至耄猶勤所著述甚富仕粵西時方
 伯徐孺南集僚士作並蒂蓮賦揮洒數百言纂組工麗諸名
 擢筆遭時滄桑篇帙散失竭力搜輯得古近體詩若干篇手繕成
 冊俾後人瓊藏焉予素聞先生之風而恨未讀其書間枕琴言遠
 乞卒讀之直而不激婉而不隨興會所至亦或橫絕歛起鯨奔電
 掣固足以方駕七子辨香四靈者也歲乙未予來京師承乏胄監
 越二年而枕琴訃至又二年其詞玉藻函先生詩稿以書來曰先
 人臨歿拳拳於是與先人契莫若君願乞一言為序此先人志也嗚
 呼予言何足重輕又何足以知先生而枕琴之意則不可辭竊念

居越山人貴高

知

吾邑自宋元來稱文獻邦著作之家如林霽山陳子上陳杲齋曲
全兄弟尤犖犖大者顧歸然獨白石樵唱不繫舟漁集而已其餘
皆風流雲散盡矣豈非子孫不善守故歟枕琴於先生為五世從
孫乃能用心如是其嗣又能承厥考守之不墜安之不有發函幽
光而振潛彩者他日酌酒宿草將以是為枕琴慰遂書以歸之
乾隆辛丑年中秋前一日雙嶼顧法健書

表

居越山人遺稿卷一

平陽應德成邀進著

古近體詩四十首

行路難 二首

黃壚列肆邯鄲東酒旗百尺颺春風黃壚有女顏如玉玉甕香堆
 琥珀濃五陵遊冶錢百萬金鞭駿馬裘蒙茸不惜腰纏買歡笑狂
 歌艷舞誇豪雄可憐咫尺窮措大矯語巖穴狗萬蓬
 君不見世道交情盡市道惟有金多顏色好壁畫虞卿空著書翟
 門勢去閒啼鳥啼鳥聲聲怨落花著書片片愁生草邯鄲主客復
 誰親冷眼斜陽人易老

田家吟

播種理亦元家田苦還樂老農八十來簑笠依如昨今昨互代謝

生機日轉新白首不知疲清風洒松筠飯犢屋西頭趣得還吟謳
旁人問何得口禁不能酬此意無爾我滿前蒼穎是夕秀謝朝披
膏茲來活水

招隱蔡青陽

達士悟勞生韶光催短燭朱顏復誰還畏空刺促憶昔收英殼聯
鑣九鳳麓壯志眇秋旻功名羞尺護君魁秣陵士我挹荆山玉聲
華伯仲間一文衡評試卷曰此場又得次第標天祿顏駟終不偶迂
途苦行役寄命各天方昂頭碍矮屋得城斗樣寬青壤差杯覆瘡
痍忘情小令煩羈束驛馬迓星霜晨鐘疲案牘機鋒削精髓噉
嗑翻波陸巧宦須長錐衾影懷清忽丈夫志不朽底事甘僕僕縱
博鳴嚶邈而能比黃鵠教今再興不挂循良錄何如賦歸來陶
徑尋幽躅窮著虞卿書辭拍襄陽曲竒探兩雁蕩艇下西湖宿天

幻

姥訪三節巖灘倚修竹尚茲雙眸烟
寧待頭顱禿青雲付後塵蘭桂正馥郁
東鄰遽元覽大道惟止足遯尾其如嘉
為君掃林谷

春吟

枕上來幽興春吟覺眼寬溪山收韶榻
水木上騷壇點翠雲生石呼紅花落盤
陶然修竹裏散髮弄飛湍

酬陳穎南翁來韵奉邀

雲鶴逍遙海上仙烟蘿溪月興便便
琴書久卧山中日杯斝間吟壺裏天
思入春山懷小隱緘飛白雪入新年
梅花含笑柳含媚何日春風動畫船

觀內典寄曹梅野

鏤塵幻語實真空別岸蓮花萬丈紅
縱覺菩提何補世與君還看舊中庸

居越山人遺稿

贈梁使君還羅浮

甌海東復東，纍纍孤戍懸烽烟。
隱層障，枳棘棲祥鸞。使君金石姿，
一幕九逾年。食冰矜瘦骨，哦松竦吟肩。
馬首思故蹊，遮晉擁歸鞭。
使君兩考懇摯，老我謝折腰。閉門搜遺編，往往懷獨行。
撫琴寄心，里父交詆挽之。
絃香風吹猗蘭芙蓉，照澄川。龐眉矜顏尉，馮婦邀新妍。
爵服豈常好哲人，慎周旋。去矣羅浮春，梅花正堪憐。
冰霜爭晚操，衾影收靜便。鴻雁渺相望，好音慰沉綿。
臨歧乞明玖，千里重悽然。

酬盧使君韻

撫戍誰云是，散曹天為鎖。鑰借才豪，狼烟絕警江波靜。
漁火常恬，山月高幕卷青蓮。籌暇筆簞投白水，散餘醪棘林未許淹。
鸞鳳暫引巴歛，抵孟勞松癯。櫟散水雲曹，白苧長歌興亦高。
漆吏園中天籟遠，羲皇枕上

宜何故
月與

月輪高航玄了了無奇字樂泌深深有濁醪那得桑田多暇日海
天使客最賢勞

酬王虛臺韻

此路誰憐末路難蓬門六月悄生寒拋殘鄴架封蛛網落盡胡纓
負鷓冠朽質何緣陪玉樹同心雅欲托金蘭多情不厭頭顱白猶
作淮陰一老看

贈朱景嶽公復政平陽五十韻

寥落東甌地廉平朱邑侯三年重簡命四野復驩謳江右詞林選
丹陽博士遊等閒魁上國以丹陽訓談笑步瀛洲雙鳥瞻天漢分

符嚮海陬黃童爭躍馬仙令不煩騶正喜洪鈞轉遙憐淑氣浮以侯

臘月星霜銷臘凍梅柳弄春柔絃動薰披戶簾垂翠滿鉤懸蒲先

德化遊又見才優獄以片言斷案嘗纖牘留訟庭餘鳥雀弊竇絕

居我山人貴高

溫州不周

WENZHOU LIBRARY

推

月縣二字
宜倒轉

醜	數	真	俗	慶	圃	云	仁	軫	牖	橫	鯁
頻	中	答	鞭	豐	有	矜	浹	如	盡	流	鮓
投	牟	響	妖	年	眠	納	壠	傷	網	<small>西浦橋經六十年</small>	士
轄	花	質	儂	屢	牛	畧	坵	視	繆	<small>今屹然募造</small>	新
紅	滿	行	<small>取其儂而毀之</small>	還	藹		禁	殷	歧	堂	賢
梅	河	直	神	誇	藹	漏	淹	懷	簡	廉	宇
却	陽	通	妖	異	祥	吞	多	若	堂	肅	勤
打	月	幽	者	歧	雲	舟	活	溺	肅	風	民
毬	縣	碑	移	尤	合	汰	命	憂	清	郊	首
謝	高	在	文	反	壤	盡	掩	祇	野	雁	洳
塘	度	蒼	彊	風	覆	清	骼	知	野	旋	溝
供	亮	生	暴	頓	露	爭	及	魚	瘳	呼	築
賦	樓	口	彪	熄	稠	水	枯	澤	崇	侶	堤
草	春	名	<small>城隍次日雷殛死</small>	火	野	波	骸	竭	陰	汙	垂
葛	風	書	村	拜	困	恬	去	忍	千	萊	永
井	廣	青	有	禱	盈	綠	蠹	事	陌	遍	澤
送	披	史	虎	<small>縣治侯禱雨澍如</small>	百	潑	催	繭	午	作	二
儂	拂	頭	食	風	寶	油	豪	抽	麥	疇	十
籌	化	何	人	反	隣	花	猾	真	秀	下	餘
已	雨	勞	移	禱	糴	村	鋤	率	兩	田	丈
信	漫	歌	文	雨	籟	無	奸	捐	歧	高	所
生	優	召	精	澍	千	吠	迸	城	秋	券	計
平	遊	父	誠	如	艘	犬	巨	府	猶	價	鞭
志	綠	庸		破	共	桑	偷	慈		廢	石
寧		乃					雖				跨

偏苦

羶分外求晴空雲淡淡流水境悠悠奏最天顏喜選喬野色愁叫

閻思借寇上牘計遮劉貞石鑄寬政長編括遠猷耆老請當路立

寬民編宸聰徹民隱優詔慰僉謀靈鵲歡相下福星爛不收二天欣徵限於石復刻

共仰百里賀重麻甘我投猿嘯勞誰濫底吻繳勞慚骯髒補過杜

菟裘才短吟編富腸枯思若搜循良應有頌聊備史臣詆

陳雲達辱韻存問奉酬

柳驪鶯嬌積雨收元龍百尺只西頭牙籤校盡青藜夜檀板敲殘

白紵秋幾欲登床歌側逼不禁瘦枕太淹留齋頭贏得新詩在去

讀還添雲樹愁

送友人陳光祿國瑞北上

春風把棹越江臯江芙蓉離離酒滿斝三月烟花迎客旆九天雨露

湛征袍呂梁險盡舟還戒天壽雲平馬尚勞天壽山在蚤晚步趨

須自愛海天望月寸心遙

冬日寄楊儒元

草元亭下問竒多憶昔其如雪夜何榻贖芝蘭猶馥郁篇畱珠玉
每吟哦蓀山雲碓春寒瀑雁蕩僂孟引亂蘿南雁蕩仙姑洞有績蘇孟何日春
風隨步屨蒼松白石磬餘歌

癸卯至日聞東宮喜詔

連朝凍雨鎖愁懷此日陽生霽色開雲物空中飛彩瑞天根靜裡
報胚胎荳紅爛煮荆蠻粥樹綠高酣魏闕杯為喜青宮今出震融
風真向九天來

送吳惺臺自大理移守南康便道省墓

重重鳳詔紫泥封萬里旌旄氣鬱葱喜見冰曹移上國還看露冕
拜新豐麻宣泉室恩波永節下匡廬化日融已信治平今第一漢

溫州府圖書館

WENZHOU LIBRARY

祇恐二字本
作早晚

敬

廷祇趣恐吳公

秋懷次廬山人韻

秋入茅簷殿悠然山一眉開觴浮竹葉對客把枝花新雨生涼氣

哀蛩起暮思無絃總成調一笑問鍾期

楊進吾入城不得晤

瑤草淒淒春復秋美人遲暮歲華流過門底事孤投轄抱膝空吟

月滿樓

和陳芝谷遺稿韻

敬帚由來只自珍白頭世路了如新已甘謝輦拋元草誰復尋芳

採白蘋桂圃涼生虛几榻蘭皋香裊襲衣紳幽人不厭蒼苔步淡

月相看味有真

懼道癯儒席有珍杖頭尤賸一丸新短牆月過涼生薜曲澗風迴

居越山入竟高

溫州圖書館

WENZHOU LIBRARY

香蒲蘋雲卧醒來閒弄笛天
解去不拖紳蒲團習得元和秘
極源頭色色真

白璧黃金未足珍擔風握月興偏新
三杯淺醉無懷酒一味徐甘
有素蘋高著筍皮班作帽長披蘿帶綠為紳
草衣蔬食淨雲外散

髮逍遙不道真

網常雋品為徐時瑞賦

世道日交喪三網解其維炎炎聲利場
本來鑠靡遺君親盡假合
而况伉儷為中谷棄葑菲朱門多戾戾
柏舟責婦孺丈夫負鬚眉
嘉彼南州氏美鬣龍鳳姿蘊藉挺風塵
所重惟彝天素琴調別鶴
中道絕商絃誰謂乏鸞膠雁盟堅在茲
傷往續劉賦悼亡追潘詞
長夜撫風騷課兒耕東菑豈其吉甫戒
抱義良不虧歲月動士林
旌書耀顏楣哀然稱雋品洵爾男子奇
鑿坏渺予懷俯世嗟靡靡

温州不周

尊

塵

楚然欣獨行贈遠之瓊枝願言永仔肩末路慎崛崎服美象所指
芙蓉愛清漪風使倘採芳秋實將歸誰

送張兩山轉諭連城

江梅結契歲凭欄世路風萍眼底寬葛井班荆終話故赤城載道
又移官一奠莫負青山約半榻還邀白首歡南望爐山多瑞色城連

有香爐山應知臯坐彩雲團

謁東溟鄭業師墓二十六韻

湖海人豪遠江天客夢迴幾年羈瘴嶺此日拜泉臺歎逝滄桑變

悲秋草木衰松梧嗟拱把桃李想根荄玉塵春風藹金鏡覺路開

問奇蘆水曲謫德鳳山隈給諫收人品王給事請文衡羨異才阮

宗試六學士獨加獎異筆蜚英作陣詞湧翠成洳直以綱常任寧為溫飽媒

昂頭攀稷契麾袂掩鄒枚蟾窟瞻黿首龍門曝鯉腮丁年顏鬱挫

就

卷之八

丙夜賈敲推標格超流俗文章信劫灰竟孤雲外賞無復日邊栽

白石歌常爛青旻志不摧俄驚風雨急忽訝泰山頽揚子拋元去

候生抱土來金沙城焯燦佳城在炎亭山石壁歲莓苔墓草搖書

帶儻芝吐錦胎鶴歸華表月鼉隱海門雷久負爐錘力那堪襪線

才一官嗤拓落二簋愧涓埃惆悵鶯花老沉吟燕雀猜徹泉空涕

淚漬酒獨徘徊未孰招魂賦休煩落景催江風情不極山月白皚

皚

輓博士林前山先生

水鑑清涵一碧流桃花帳下翠光浮春風回首溪山變何處尋津

帳昔遊

錢塘載道幾經秋客夜琴尊侍語稠鐸轉東塍瓊尚冷可憐丹旆

引歸舟

閨

長安病邸藥爐寒立雪游揚夜共闌
一自遊下宦雲雁杳空悲宰木
淚汎瀾

哀烈詞并序

為吳恭人陳作也恭人隨吳守南康未逾月適稅璵璫與運軍關
溺死多命守具其事上兩臺乃璫重誣以聞詔逮恭人欲從逮不
可遂自經朝野業為守寃又痛恭人非命也疏交上守得輕坐放
還南康民為立廟焉

楚天二月陰風號楚江白日飛洪濤篙子仰天無着力千艘萬艘
聲嗷嗷越客未諳風濤異孤舟偶下遭顛躓褰裳欲拯雲憑憑怒
吼天吳翻動地匡廬欲摧石壁裂星子臺前魚上樹越客少婦可
何如弱質叫閻迷去住叫閻烈節烈如焚誓從一死雪夫君梨花
月淡更籌促皓頸牽絲黯楚雲楚雲黯黯從君赴冷驛寒燈疑面

居越山人賈高

惜

晤封章百上不為聞只有愁雲如欲翹天聰忽忽九關開楮掖持

來太史疏沈蛟門相公也君王國母共咨嗟夫君自是回生路君身山嶽

妾鴻毛死妾生君節烈高精誠可能回白日紅顏何埋青蒿彤管

千秋標獨步寶篆康山隱星婺從茲九江濁浪平誰謂女流非砥

柱

寄大叅張毅宇還雁山三首

尊鱸何日返初衣海嶠秋深雁始飛每憶薊門尊酒合却憐甌水

片帆違堂開綠野通幽賞座入青山藹翠微祇是商霖廷望重烟

湖未許問漁磯

閭闔風高欲振衣僂旌雁蕩正飛飛盤繡嶺壺觴擁一水蒼葭老

病違極目龍湫雲窈窕翻身天柱露熹微蹇芳未遂攀幽躅夜夜

孤吟黃鶴磯

琴劍攀嵇幾十秋銷沈無復舊風流著書歲月誰青眼學道蒼黃
 竟白頭響落爨桐山雨暗光寒獄野鐵雲愁何時辟穀蓬瀛下漫
 迺仙槎賦遠遊

望雲樓為李處士作

昔人望雲阻顏色迢遞太行猶可即令人望雲依寢息莽蒼金粟
 空沾臆寸草含心風木悲秋霜春雨獨徘徊背城郭西烟樹渺孤
 雲慘淡依泉臺泉臺咫尺間雲飛不可攀招魂迷野望架屋對山
 灣四壁寒蛩哀可掬千峰落木腸為感血淚遙從斷石飛白雲時
 趁重簷宿噫唏噓雲聚如有物雲散復無垠聚散靡常望靡已每
 如嚶嚶求心神心神抑何在非黷還非愛韓敬徹夜現青藜竇桂
 參天生五彩霎時雲雨變滄桑壠上梨花撲地香芳蹤再見龍門
 步不但千秋仰狄梁

居越山人遺稿

雄 凰

送陳起潛會試

有客有客鷗鵬馳排空
 倒影窺天池手提三尺剗蛟螭
 白虹閃閃光陸離八駿長驅鞭
 一麾千峰辟三山摧今君壯遊揚
 高眉萬斛直吐胸中奇大魁君家
 舊旗鼓祖宣成登壇繩武更屬誰
 臚傳五彩爛彤墀姓氏雷轟草木
 知丈夫得志欲何為昂頭千古攀
 臯伊照耀殺青銘鼎彝豈將溫飽
 營吾私振衣濯足自今茲周旋慎
 勿染京縑握手河梁酒一危長風
 萬里何窮期

廬山謠贈鄒令公入覲

廬嶽挿天殿南服芙蓉磅礪環清
 淑甌陽百代挺人豪矯矯文山
 雄接轂英傑由來擅地靈皇明輩
 起標天祿合水縈縈摠冠珠藍
 田片片俱元玉昔登大庾俯章貢
 十八灘頭挹飛瀑歸卧黃花二
 十秋惓惓懷瑤草儼盈矚九鳳幾
 度下雲鳧只傳江右欣良牧竹

穆言渥

有引二字衍

叙

居越山人遺稿

風	延	西	聖		綠	渥	露	幽	童	若	馬
政	平	江	代	大	祥	還	湛	遐	叟	幄	迎
甫	稱	郭	雲	觀	雲	寵	碧	採	爭	化	來
三	劍	令	龍	紀	膏	漫	天	謠	馳	甫	郭
年	浦	公	會	最	雨	超	淨	願	逐	兩	細
及	候	地	昌	贈	望	還	水	獻	馳	期	侯
期	自	靈	辰	郭	喁	念	簾	廬	逐	過	花
當	昆	鐘	玉	今	喁	乳	晝	山	如	大	村
肆	岡	顛	帛	公	計	哺	永	曲	如	觀	盡
觀	辰	水	同	見	程	懷	春	廬	天	彩	入
忽	玉	家	九	蘭	日	顧	風	山	路	鷓	甘
黃	虹	學	天	排	嚮	祥	一	削	遙	黃	棠
頭	又	擅	欣	律	堯	雲	朝	出	憂	頭	陌
飛	稱	崆	拱	有	天	再	鐘	玉	勞	征	催
彩	昆	嶠	極	引	祝	迴	鼓	芙	誰	旆	逋
鷓	岡	嶠	萬			鸞	響	蓉	為	促	一
皂	陽	城	國			鳳	響	光	丹	遮	任
蓋	盤	南	湧			彩	嘉	被	心	劉	急
促	根	有	呼			高	賓	海	暴	雲	如
花	資	平	嵩			雨	藏	濱	宸	水	雷
驄	妙	浦	東			重	發	春	聰	共	軫
合	理	移	海			添	彤	郁	見	悽	恤
境	偃	星	甌			桑	弓	郁	說	愴	彌
思	草	鈔	巖			柘	寵	冰	徹	叫	加
扳	見	平	邑				應	壺		閭	寬
	醇	延									

鏖離亭擁去駿筇扶新皓叟竹送舊青童借冠心徒赤遮劉淚共
 紅依依岐岍柳悵悵晚江風赤子惟懷惠王臣豈恤躬山河披故
 國劍佩指新豐宿驛騎千里冰囊詩半筒間關風浙瀝夙夜月朦
 朧五鳳中天起重門旭日烘御爐香霧裊仙蹕瑞烟籠漏罷鷄人
 唱鞭笞帛士雄袞旒恭穆葆宸薜葱葱仗對雲霄近階難咫尺
 通那由悉民隱曷以慰宸衷奏報循常軌賢勞敢自功采謠輿誦
 核紀最口碑工錦績能枚數畝言畧備聰吾儂頻燹後瘦骨半溝
 中琴瑟雖更調鸞凰不偶逢豈期今吏治再覩漢文翁于莫晶光
 別驂留步驟空下車摧猾諍塞竇迸蠹訶摩撫厘三事衰矜首四
 窮持衡嚴請託懸鑑謝鈎筭樊洗清於水仁流迅轉蓬陽鱗濡沫
 息涸鮒縱波洪政簡民安堵年登家積種花村無吠犬菰渚有歸
 鴻五袴歌聲沸兩岐麥穗芄劉宏猶夜起渤海益春融戶解薰風

愠邊清化日戊戌樓虛席落斥堠絕狼烽色轉江山秀功推保障
 崇三臺標格價群帥荷幘幪福曜開長泰餘光被老癯含哺吟社
 櫟擊壤代絲桐眼未青編倦頭先白雪蒙初筮叨寵鶴贖世愧非
 熊撰述何私譽儀圖摠樸忠漫誇皮相易尤羨德符充玉瑩捐城
 府金相貫始終波涵千頃碧嶽立五雲從駕豈龔黃並材堪柱石
 隆陟應超紫綬寵合貺彤弓威鳳寧淹枳祥麟定在宮其如蒼赤
 戀馬首日瞻東

贈天台潘華南先生八句

石梁最上先生宅瑤草胡麻總引年雲外藥囊渾似阮腹中經笥
 又疑邊春風昔別交知蒲大羣今來邑里邊可笑一樗猶贖世得
 從杖履話塵絲

寄社友陳叔度

掩揮

千秋片檄凜誅曹此日誰稱湖海豪
牛耳壇前珠玉富臯比座上
斗山高臨流漫爾誇三絕訪隱還來酒一瓢
松菊未荒鱸尚美小園騰日少塵勞

前韻寄社友曹履則索和

八斗才名屬爾曹禮羅何事漏英豪
爭憐白下經生久轉博黃初詩價高
社草翩翩臨藥圃藤花細細引松醪
共君賭勝收殘韻忘却年來邨步勞

挽陳光祿思亭二首

二豎尋常有何君遽作殃
盛年先曉露老易我易秋霜祿薄依中禁才長淹夜堂
蔣園楸局冷渾淚對松篁

問藥情猶闕憑棺淚不禁鄉評嗟孝友
世事惜浮沉落月山陽笛停雲伯子琴
王孫何處覓殘榻總傷心

河

送兩孫端秩端祚讀書南寺兼寄陳祖植

花朝發棹雨初晴送汝城南景媚明
荇曳新青吹錦鯉柳含嫩綠
語蒼庚懸藜午夜紅雲爛結騎三秋
紫電橫寄語元龍飛錫上及時
鍾鼎慰生平

寄瑞安胡年丈

蒹葭露冷雁聲頻百里朋簪二水分
素未傳僊嶠月短牆空度翠
亭雲陶園松菊猶無恙謝屐青山想
不羣何日一尊何朔飲酣歌
散髮弄斜曛

屠走山人遺稿



温州市图书馆

WENZHOU LIBRARY

登

居越山人遺稿卷二

平陽應德成遐進著

古近體詩六十首

贈仙居陳士榮

芝蘭有幽芳盈盈仙水湄穆其來清風惠我香滿帷開絃調獨鶴
 宛爾見光儀舉醖邀素娥徘徊結襟期爾行通鬼神一真將誰欺
 病母閱五載朝夕身扶持舉子饒六女向累不沾眉坦坦田野間
 連峰入檐楹塵容脫若洗世味淡若遺豈其懷獨行差作桃李姿
 老我空贅世褊心厭纖趨錢神揚高天攫金橫道馳腥風不可邇
 介人寧鑿坏空谷蛩足音爽然如孤吹短景尚可延願與爾棲遲
 喜戴龍江新箏成
 半畝幽棲安道廬翫塵巷外隔烟蕪巢新乳燕依初主地舊青山

居越山人遺稿

溫州圖書館

WENZHOU LIBRARY

認故吾別曲人來常笑雪武陵使去不工筭白頭喜共清風社叢
桂飄香興不孤

寄東嘉金小鄒

西園分榻去兩地幾經秋露冷雲低樹江空月滿樓夢魂飛別曲
老病滯滄洲白雁霜前起蒹葭入暮愁

贈鄭賓江六旬雙壽

橘袖正綠橙正黃敲檀舞翠歌喉香綵堂高張南極頌羽客競進
崑崙觴五百靈藹齊晚翠一枝却桂薦先芳黃庭看罷鶴雙嘯何

簫繞

袖

寄朱存敬翁鎮潯陽

借歧花封荷品評風高瑣闥更垂青却憐疑玉終難合誰復迷途
問獨醒辱筆每懷秋露冷緘書長對暮雲停舊遊報道移旌鎮極



目遙天淚暗零

丙夜聞孫輩書聲

雪夜回殘夢書聲枕畔來咿唔寒叩玉粟烈暗驚梅翠暮烟層積青
藜火並開及時能苦卓應不負栽培

和陳芝谷韻五言四首

南山當戶起修竹繞簷迴掃石卧凉月墻頭過來酒

月白蒲空庭徐徐曳履行蟬聲樹頭落衡泌有餘清

孰枕莫留吟吟魂偏作崇竹影掃紗窗徹夜不成寐

早起卧秋石清風出樹梢調息如槁僧片歎猶刁騷

雙節詞為楊姑婦陳氏倪氏作并序

陳氏柘園陳會魁姪女年十九夫楊士榮亡矢志不貳一孤甫八

月百若撫之娶婦倪氏孤又亡二霜吊影閭里共為飲泣宜表正

苦孀

就崇

苦越山八首高

温州府圖書館

WENZHOU LIBRARY

以救風化者

蘆江江水咽不流蘆江孤月橫高秋月白江清風慘澹荒蘆搖落
哀鴻愁蘆江楊家有孀嫗栢舟矢志頭今素自從十九背夫君歷
盡冰霜無旦暮當年一決事何難八月咏咏誰與完北堂况有老
人在縱經溝瀆魂能安下宮高義千古烈女流皎皎爭姱節燈火
寒凝四壁秋爐灰痛撥三冬雪悵悵黃雲黯不通沙鳥哺乳又成
空孤兒三十先朝露腸碎江村淚雨紅婦姑對影弔空房絡緯啾
啾哭二孀哭聲止上徹天為楚破屋陰飛六月霜猶有遺孫一線
存荒荒孤寡不堪論蕭然衣食更為命秋月寒江照一門一門雙
節良非偶姑今逾六姑望九問俗何年風使來無錢難發里胥口
哀哉野老重哀哉只今誰築懷清臺幸際神君首風化早遣征書
海上來

襄陽一本作
尚羊又作襄
羊

秋月感前翁寄穎南翁一絕

紅葉飄霜秋滿庭山陽一笛不勝情遙憐觀海樓頭月多少新詩

續不成觀海樓名

哭王友敬所

嫡道亭前月一川憶君携手共忘詮蒲團正擬梅花社風雨飄殘

淚滿天

昔時同堂肆業魯橋劉師有嫡道亭

追挽百年翁陳雨巖先生翁自題墓曰安樂窩

大期人世渺遺墨想人豪安樂空山裏長松起夜濤

挽陳及泉先生

憶從二仲日襄陽海鶴精神壓後行臆屐千山看未足玉壺一枕

夢偏長雲端仙馭何時下瓊島枝正作香惆悵蔣園秋色裏幾迴

落月滿吟床

觀春

蒼松翠竹小墻東
兩樹桃花掩映紅
閒看生機渾是樂
陶然拍手

笑東風

初秋

三伏已謝涼氣生
閒搔短髮撫前楹
烟銷柳翠還翠好
雨洗蘭香

香轉清瘦竹過從
泉石淨濁醪醉擁
江天溟年來慣識
炎涼愁不

向秋風賦楚聲

七夕

河漢星輝烏鵲遊
女郎乞巧暗占絲
獨憐太拙多辛苦
笑不從渠

覓些兒

紀時地震

萬歷三十二年十月九日
淮北三吳地俱震

漢歷次甲辰天風迴
不周孟冬初旬夕
地震如簸舟市喧
競惶惶

溫州市圖書館

巢鳥紛啾啾垣楹驚拆裂免孺駭衾裯老我抱杖立傾欹不自由
移時勢轉劇呼家趣空陬悖怖懷覆壓瓦石亂鄰頭大力負巨壑
劫灰蕩神州積塊靡常寧海經談滙浮事理豈盡誣召災將誰尤
世故太反覆長言涕欲流旄旄擁白蹠鷹鷂恣苛求錢神揚高天
倫物委深溝三尺總躓顛擬足安所投腥風扇八荒狂瀾何時休
利孔入膏肓骨肉生戈矛蘭芴化蕭艾燕鵲成鳩鷄共甘唾面污
寧惜繞指柔強項擯空谷曲眉橫周遊不但履加冠還看薰作蕕
積穢干天和稜氛遍林坵星妖燦正晝鶯孽驕深秋庶徵盡舛錯
坤維焉綢繆長夏飛冤霜崇臺隕囚幽一夫尚響應而况在在否
帝怒不虛譴疆宇有分疇願各洗心省愆恤瘡疣形和則氣和惠
逆宛如酬衰白迸窮巷攤書畔牢愁紀筆類孤憤衰時殊謬悠百
一旦速謗罪言寧忘詵鞠凶或以鋪旦暮其蜉蝣風人倣方厥蹶

玄

踏
入

嚼

勿笑杞人憂

鄭子元過草堂

茅堂偃卧鄭元來
苜蓿青青照客杯
蔣徑榻連明月下
浣溪花帶夕陽開
烟雲竹素慚余老
海嶽人文待子迴
攜手舊遊琴劍處
種成松檜已莓苔

清明和友人過隙三春愁裏更之句

節過藏烟榆火更
氤氳野色轉分明
踏青暖日千山麗
拾翠春隨兩袖盈
屐躡雲端空海嶠
尊開物外俯江城
乘時且伴鶯花醉
慢把愁腸引破觥

世事蒼黃老更不
兒童挿柳報清明
誰憐舊骨渾無主
共苦新征橫索盈
花信蕭蕭催冷節
榆烟處處鎖愁城
也知恤緯安多事
拚與流鶯爵大觥

是年徵稅契額外取盈計萬餘金

潭

踏踏

挽陳穎南先生

蓮峰避世老圖南一枕俄驚鶴夢酣
經筵烟蕪遺我恨駭壇風月

屬誰擔壽康堂上三春色構小堂緣百歲兄雨巖翁取司觀海樓

前一味甘渺渺白雲招不得祇留仙骨印詩譚

贈胡文湖司理年丈八旬

仙巖紫氣藹豐和南湖極祥開九老圖九老鬚眉誰第一踏誇吉

百姓稱胡九老圖首胡杲為懷州司前身司馬今司理八袞重輝

冠蓋里嘉平報誕綺筵張儼珮團雲樹頌起蟠桃如斗藕如船具

慶尊浮琥珀鮮金鏗五夏歌聲沸桂郁蘭馨彩袖翩我自攀嵇親色

笑吳山燈影南宮調對床風雨幾春秋萬里雲鳧聯嶺嶠細數梅

花豈偶然雙龍作合天為緣即今歸老甌江上松菊盤桓又廿年

一水盈盈葭在望尺鱗五亞亞欣魚恙有時乘興便驅車握月擔風

居越山人畫

溫州圖書館

WENZHOU LIBRARY

技

追玉杖此日華堂想聚僻海籌爭進何躑躑路凍空迷尋友夢江
寒難辨買魚錢路凍江寒興飛逐一觴遙向天南祝願言鮎背齒
還兒再行龜齡瞳轉綠蒲姿歲歲倚長松定擬薰風醉碧筒笑看
夙昔忘年友恰好於今齊壽翁

寄徐虛無

愛爾才情富詩壇有習神承蜩忘技巧削鑿見天真水月空中現
風花象外新雪山穿藤草一悟絕無倫

蔡徵君更第用舊韻寄贈二首

掃却茅茨一鼎新碧紗舊韻已生塵落成久負飛觴興續句遙憐
滿座春門對素風封清滴滴簾垂十畝綠莘莘荀龍竇鳳聯翩起
張老無煩頌祝頻

歸來甲第又更新謝眺門前不點塵欵枕鶯啼千嶂曉携壺鹿過

午橋春幽棲別是今東第樂道依然舊有華莘誰當截斷長江水
瘦竹閑來棋酒頻

受兩臺歷日

慣看林下歷海嶠又春迴卒歲無重褐勞詩有舊醅爆聲寒動竹
香氣暗添梅得伴青山老頻煩歲使來

農家歎示兒姪

農家生計在耕疇朝昏敢忘鋤基謀布聲聲春雨足分秧候水勞
鋤擾短蓑蔗菜日病僂猶恐糧莠侵禾黍摘挾根株肯小疎力到
苗肥香欲乳瓊花散午搖薰風滿眼蒼黃生意濃玉粒垂垂堅且
好登塲報賽歡融融東隣婦子懶蓄畝瘦收不勾供官儲鹵莽耕
還鹵莽獲却當歛生命不如寄語言爾農休悵快雨露滋培無兩
樣若教努力忍風霜回首稔秋猶及望爾有良田爾莫蹉驅牛整

耨蔗挾

歎

頓使如何農家作苦何時歇請看幽風播穀歌

健忘示兩孫

老去憐華子攤書負石床圖閒如得駿岐處已忘年桂露琴生潤
荷風硯入涼寸分宜早惜萬卷破初陽

大水三首

白露金行盛清秋水氣多重雲吞瘴海平野化銀河粉墮吐華蘼
香沉欲乳木蕭然衣食計卒歲意如何端正今宵月蕭條海國秋
清光牽遠興濁酒洗沈憂潦沒黃花徑葭推白露洲愁懷負良夜
搔首仲宣樓積穢干天厭湯湯陵谷移卧槎巢病鶴高棟嘯寒鷗
兒病黃沙泣愁髮啣漆室悲市頭猶不省長夜舞優施

大風

開秋雁度中元日家家賽田薦新食半陰風海上號天吳却立波

饑

橫溢癡雲疾雨暗長空四顧掀騰山岳崩千年老樹根株拔百尺
 高墳石并裂驚看洋嶼起神蛟東山萬屋飛洪濤吟吟忽向荒城
 吼百雉長垣如拉朽舍旁棟宇亂飛蓬藐藐于隣且于躬平野泉
 高七尺餘還憐濱海民其魚憶自甲辰地大震殃祲沓集歲曾虛
 脩救脩禳了不聞眼前世態總淫氛民怨愈恣天愈厭愁將短髮
 照殘曛

傷春八首

上已寒仍在殘檀戀禿鶯含烟花帶瘦逗雨柳縈愁整緯憂蠶月
 農炊望麥秋傷春無樂事那復禊東流
 瘦邑惟農事田家苦薦磯突烟荒宿草野眺徧寒漪樹抱賢桑餓
 河懸涸鮒思聖朝多雨露補笠且東菑
 農家無外望往事憶豐年社合雞豚笑田分鷗鷺眠含哺聽野唱

倚杖看墟烟此日情淒楚逢人菜色邊

青青四松樹歲歲守蓬廬白紵敲寒石黃冠曳野裾陶尊雲醅後

仙枕月醒初世事無勞問窮愁且著書

海國嚴戎備儲胥損度支寸縑寒女淚半菽老農脂卧甲警如息

呼庚危可思官錢半強好戍卒不勝罷

民力疲倉政何如弗擾宜牧多羣愈網亂網密蠹難支雨暗桑柔

淚風生萋楚悲郊原正愁絕消得鷓鴣啼

萑蒲紛嘯聚咄咄杞人憂鋌底非長算磻是遠猷薰風披草澤

解雨潤桑疇渤海繩誰理賣刀人買牛

百一非干改春風作竅鳴巖花幽得色谷鳥自成聲人對青山老

篇隨白髮羸閒居多感慨回首暮雲橫

追挽周筠栖

潛

捐世并捐名
逍遙入大庭
鏗然留遠韻
山道鳥邊明
翁澹然一世齋

高曙山遊南湖有泉分巖下瀝山送鳥邊明之句
挽別駕陳頤菴翁

德星一夕墮
滄洲洒淚魚
從覓太邱梧
月獨憐三徑
冷巢湖空悵

一簾秋應知
處處碑同濕
不分茫茫水
濁流欲奠真
魂想何在白

雲常護舊書樓
巢湖宦遊處公

挽吳南康守惺臺

有客南冠得
放還歌盆猶
是著愁顏
方依白石新
開社又逐青
牛蚤度關
雲暗楚天悲
淚滿鯨翻甌
海誅聲潛江
山有待人龍
遠猿鶴空悲
落照閒

寫圖

超超希夷子
長卧蓮花峰
泥書如有意
海鶴了無踪

吾愛驢背叟迴首悟狂奔請君仔細看妙入無窮門

挽胡年丈節推文湖律言十九韻

莫逆金蘭契死生臨老頭其年八十七歲計來賜百折悼往涕橫

流燈火吳山夜琴尊燕市秋聯床忘歲月撫劍兩繆綢金馬彈冠

起烏蠻並轡遊天一欣作合萬里黯銷愁拂袖黃花徑開觴白鷺洲

江雲幾問渡松桂廿更裘偶訝詩筒倦應牽藥物憂棹聲遙訪戴

蝶夢竟迷周予渡江訪自三雙雁驚分影孤鸞怨寡俦淒淒巖谷

冷恨恨薜蘿幽香社虛吟磴豐湖罷釣鈎有懷獨剪紙無地覓藏

舟逝水何時返遺芳在處留麗江太平府古名碑淚滿甌海頌聲稠遠

日生寒旆終風起暮楸感深徐榻痛絕仲宣樓白馬期先紉青

山哭一杯

輓徐秋山將軍

場

搔首江城烟樹暝老成搖落嘆晨星月來香社吟魂冷人去浣溪
花淚零一劍橫秋頭竟白百年許國眼誰青獨憐下榻琴尊處愁
對淒淒綠蒲庭

宿飲謝新任伍令公

片帆曾向海珠來五色羊城海上開霞樹至今馳客夢雲鳥何幸
借仙才花翻夜月村鴻靜菰遍秋田渚雁回德化正新叨禮燕酣
歌湛露蒲春臺海珠寺在廣東省城門海口

贈徐文所

鄴下應徐早擅揚寥寥千載悵顏行才清西掖風猶在譽起承明
草尚香叢桂一樽欣有合片雲對榻雅相望蹇予日暮前脩遠努
力須君接大荒

贈鄭賓江八袞行

居越山人貴高

去麟下脫去
麟二字

六旬七旬又八旬我歸幾度飲華辰
舊谷憑誰認子真種成萬竹
凌蒼旻方瞳健步坦心神閑開池館
似逃秦僻郎西笑蹙歸輪覓
得瑤桃來海濱蹉蹉海鶴彩袍新
濯濯堦前逸玉麟舞鶴朗陵荀
阿翁含笑顏津津華筵日日醉歌賓
郢雪蘭風妙絕倫有客踈狂
屢效顰往來不厭剡溪頻散髮莊園
問大椿八千三萬今何晨握
手留連公瑾醇忘年忘月忘猜親
班荆枕石嚼崑崙頽然雙白迷
花茵花茵迷處悟非身忽憶雞壇感
舊綸烟江風雨四飄淪掩琴
悵笛空沾巾我今日與西山鄰
共君歡笑能幾巡雍門鼓舌孟嘗
嘯豪華過眼總微塵只有杯盤無限
春翁家有粟我不貧相逢何
惜杖頭緡若然猶惜杖頭緡
笑煞黃壚市上人

獨愁吟

商飈凋梧高下有孤雛
衰繁露草芊芊切中懷
逝水日東去

崔

春暉何日回我父立軒翁幾載遊泉臺斗粟不迨養臯恨齊三台

憶昔我雁行姜被雲水隈義方奉嚴訓農儒篤因材烟簑子夜燈

荏苒負栽培鳴鳩母氏慈周渥賢於雀秋廬聚天樂鶯花弄春醅

何乃造物忌荆枝忽先摧伯兄五十四作於我父痛伯也鳴咽廢

羹杯逾年竟捐館孰挽西山顏考君八十五年作於四壁亂秋蛩哀

猿噉俎徠季路黯南遊潘輿阻崔嵬荆婦蓄慈待三年賦歸來吹

篋不面仲割裂誰能裁仲兄五十六作於徽負北堂暄懷桃三兩

枚庭堦動春色循簷索初梅短景促羲輪揮戈竟難迴况况叔與

季攀號淚盈腮母八十四作於萬浩劫慘無情飛湍爭喧雙雁

轉分首隻影空徘徊毛裏誰復親槁心已寒灰叔兄五十八作於

愁裏強吟呻苦調安敲推枯松與斷石那得好懷開癡雲結窮谷

陰風怒鳴雷昊天不可問四大總浮埃蓬瀛有時淺精衛徒勞哉

居越山人讀

何當招子晉捧白雲堆

哭亡女十六韻并序

越山父痛女中夜不能寐強遣之復來因據枕占兩語遂呼童秉
燭續之或謂哭且歌耶曰非也緇謳生於苦折絲是聊寫哀哀假
令客讀一過亦足以知女士之概而幽芳不遽泯沒無乃鍾情者
不已而為此乎

掌珠堪割愛老淚痛難乾淑慎偏憐爾歡承為克艱夫君束儒術
中外隻身肩織絀曾休暇支撐肯挫捐攝生甘菲約遺問獨周旋
瘦影啣枝鳥悲心咽露蟬蕙蘭芳馥郁風雨急飄鬢亂雙兒女
呼娘慘血鵑安人空哭逝之子逕窮泉憶我勞行役淒其負待年
資奩分博俸布素爾恬然但徽歡相聚鶯花歲作妍白頭歌去路
不料爾翻先灑淚看衾襚完歸璧亦全蓋棺賢愈藉庶矣慰幽悵

溫州不周書院

蘇轍

環 裘

裏

只有孤啼苦夢夢孰問天

挽余雪溪翁

避喧海上任夷猶麟鳳還看遠榻遊雲卧午橋偏得歲香生玉樹

正迎秋即從黃鶴拋千劫何恨青山寄一杯獨有當年車笠客到

來三逕憶羊裘

挽夏博士金嶼

歸客歸何遠哀歌哀轉頻剡舟空憶戴徐榻永悲陳硯石兼師友

丰標絕等倫元龍豪百尺季布諾千鈞片膽常輸義孤稜一任真

立朝宣禁闥講幄掩經綸健翮神寧倦祥鱣化正新束書親藥裏

拂袖引征輪首聚頤交顯哀長話未伸俄驚焚稿日痛殺絕絃人

月魄幽明際鴻聲野水濱幾年葭帳望一悟劍飛沈豈恨蠅孤吊

應知壁不磷沙風吹瘴海暝日謝黃塵

居越山入竟寓

温州不周書院

WENZHOU LIBRARY

入走山人選

挽高瑞峰

阮籍踈狂任世非
江峯點數照荆扉
檣蒲一笑黃金落
檀板三敲白雪飛
鶴去槐堂空野色
月來花塢痛春暉
珠明鐘鼓高音在
不負王孫荷鍾歸

附高作二首題珠明嶺

自昔明珠惜暗投
却教拋擲信荒邱
影沈石洞和烟暝
光入銀河徹夜流
睡破老龍雲濕處
淚涵遺蚌月明秋
千金價逸威王遠
空結青山萬古愁

附題鐘鼓巖詩

奏罷鈞天萬籟空
獨遺鐘鼓寄龍從
只憑僂子和雲擊
未許山僧帶月椿
長樂有聲馳客夢
漁陽無響息邊烽
誰當整頓乾坤
手直向懸崖勒駿功

搗響

東

社

溫州不刊

軸

九日寫懷寄友人

登高非善禳飲菊豈延生
寒風凜以肅歸鳥棲復驚
感時撫頰陽塵爵還自傾
盈虛悟大易几杖羅曾嬰
佳友惠新篇把玩眼爭明
八十曰老至安能競時英
南山橫脩眉早結白雲盟
大兒先我歸忽忽期已羸
含酸忘今節脫哀復鍾情

紀年

曾吟補過謝踈迂八十依然一戾夫
傲骨未銷終是障褊心作對
故非吾癖書歲月人空老轉由風塵路
益嶠惆悵殘陽無立地白雲何日是歸墟

謝童閤堂借書


借書併道送書癡
鄴架耽留歲月遲
老去誰憐狐白手
那從糟粕覓神奇

居越山人遺稿卷三

雜文八首

周易序卦反對圖說

平陽應德成遐進著



斑

六

鶴膝

圖無文終日言之不能盡信哉東髮窮經或得之言詮或得之心
 悟其於先後諸圖竅妙似灼一斑獨咨咨上下經卦序後先何屬
 多寡何分按之晁氏紫陽簡衷重大之論淺而無味索之楓林朱
 氏男女中外之說深而不恬晚得文王反對圖畧抄自宗子相上
 經乾坤離坎及頤大過不反者六合屯蒙至大畜十二對則數十
 八也下經中孚小過不反者二合咸恆至既未濟十六對數亦十
 八也分之各十八合之三十六細分之畫三十六者亦順卦按排
 毫非人力欲益一於上經則續鳥脰或減一於下經則斷滕鶴中

居越山人遺稿

温州府圖書館

WENZHOU LIBRARY

玄
乎本作於

必有元思之思之如覺斯寤曰淵哉聖人之宏乎其大通人之至
妙乎始乎三重於六三十六宮都是春此數之一週也週則變上
經首乾坤歷六為履為小畜則氣運之一變也而否泰乘之自否
泰歷六為噬嗑為賁又一變也而剝復乘之自剝復歷六為坎為
離則三變而十八也水火終之上經蓋主天道而氣運之升降不
能違矣下經首咸恒歷六為損為益則世運之一變也而夫垢乘
之自夫垢歷六而為漸為歸妹則又一變也而豐旅乘之自豐旅
歷六而為既未濟則三變而十八也亦水火終之下經蓋主人道
而世運之開合不能違矣由天闡人因人証天即一元終始之故
可默會於三十六宮之中昔齧缺問道於王倪氏四問而不知夫
不知之於知深矣抑何有於秉燭之叟

君子交寓言

可子矣

友竹安侯厭棄武弁結烟霞之侶絕不諧俗每遇余談元因別號
寓言贈之

太行之陽王屋之巔有癯甫焉亭亭然立也問其世不知幾百甲
子矣或曰自秦封來或曰產於徂徠公環視曲轅鄧林下逮諸姪
娜滑稽朝榮而夕零自培擊於世俗者無與儔也乃潛遊於荆溪
之陰得隱君子焉欣欣投膠望下風而叩之曰余了立於太行久
矣遺世無與儔矣焉竊高君子義之鄉君之德願納交於君子乎
荆溪拂然而俛昂然而起猗猗然而招搖曰嘻若大夫族所從來
久來孤自二子首陽以逝無比於人世寄節於茲幸偕王生倚澳
而居迎風而吟昕夕徘徊絕無根柢之先容奚而辱上大夫之儼
然臨也太行甫曰世族之務華絕根臃腫無當者芟然盛矣脩媚
臉飾香膩爭妍於金谷之場者國色之所以殆也托靈根挾小數

袂天

報之於山藻之密者叢神之所以槁也抱良材浮大江闢進於章
 華之庭者匠伯之所以斲也盤盤囹圄絜百圍大蔽牛萬棄於窮
 荒之涯者櫟社之所以夢也彼亦惡乎匹余余獨於君子乎適矣
 凌青雲麾汚塵適余千丈之高矣歷雪霜貫歲時適余後彫之貞
 矣棲九芑食鷄雛適余鶴鳴之趣矣凝清陰驅煩炎適余偃盖之
 幽矣游冥冥頌平安適余崖壑之雅矣若夫中府靈瑩靜虛集道
 砥行好修動直以剛備至人之完德乘六氣以相羊則余俛首而
 揖焉者願納交終身剡溪子曰孤奚德辱甫譽之甚孤徒脩然蒼
 篔已且若多助四友矣奚擇於孤太行甫曰嘻余遺世無與儔也
 四友何剡溪子揚袂翩翩然久之俄而籟一鳴若惠好音曰甫嘗
 托交於萬松子一松子非耶曰有之請竟焉曰彼二氏甫遺聲榮
 結烟霞盤桓有年矣盍惟之曰詎非赤松喬松歟夫萬松驚博而

温州府志

庀垣員

靡得於性一松操約而未適於道喬松赤松又遊於方以外而非
方以內特余所托迹而逃者也余非子何以滋德矣遂捐王屋謝
四友相與棲於山陰天風冷冷戛戛箏箏有聲有聲無如忘爾我之
形

平陽重建敬一亭記

亭舊枕文殿左一隅踈跼山楸風雨侵蝕薜蘿蕪撫以奉皇訓而
標揭聖真至藹也邑侯景嶽公甫謁廟顧瞻亭顏愀然正容曰噫
政寧是亟哉數學之謂何遂與師徒周遭面勢得隙圃於類東堪
輿巽位巽適文明之地即日庇材鳩工屬心橋李文學先生董成
之魁傑宏敞白雪為窗碧山為桓構櫺節稅負然翼然故算碑別
蘇前垢如制豎焉經始於癸巳十一月越甲午八月役竣會見川
湯先生龍江李先生繼至僉謂美盛不可無紀命生負詹希德方矩鮑

居越山入黃馬

徵

失

豫
誹

九德李堂孫子說微言於不佞成敬謝弗敏又明年正學門梵泮
 池堂皇周決地靈爭為獻秘膠序色改二先生頌侯加惠我多士
 無斃也復申命如初不佞則咨咨歎曰有美如侯諭弗能効一詞
 非夫矣顧侯不憚改作豈直選形勝如堪輿密微科名我又豈直
 崇聖製寓臣子忠愛哉夫自制科之習興二藻繪競聲華而士學
 之先真蔽也久矣虞廷精一之訓童而習之誰不唯唯然率咀英
 而怠實飲河而莫得其源蓋宏正以還學習益漓詆真為妄執妄
 為真如豫章江門會稽直指真詮羣排蝟起肅皇帝大闡敬一箴
 纒纒幾三百言并程氏范氏五箴頒播海隅刻石學宮奎章奧旨
 炳若星日蓋至是聖學始大明以三巨公從祀之議始定夫上之
 所標下之所嚮也上之所振下之所趣也今又六七年於茲化
 久而湮習玩而翫即一邑可鏡天下亭也而蝕侵靡蕪何況蓬心

溫州府圖書館

WENZHOU LIBRARY

首

則侯有是亭而亟新之一切規恢其跡已抑所以勗我多士者實
 惟是肅皇帝精微標之振之俾多士趨而嚮之也夫有待斯興猶
 然樂熙朝自薛河津外獨彼三巨公接武宮墻分馨香俎豆豈其
 天授亡亦濯去習見敬脩此一以得夫聖學之真宗耳我多士居
 恒而思疇不濠傑自命宸謨在上懿軌在前又我侯振作親構之
 日鑿茲亭有不灑然興乎興則志治志治則神凝何學非敬何敬
 非一即煥之而文章而政事功烈孰非一貫周子曰聖學一為要
 一者無欲也是匪一弗純之旨也後先學脉端不越此士宜實力
 矣設不其然局守蹊徑居卑曠安是鞠莽猶故也扁鑰不不守接
 構闢中是剝蝕猶故也假道恣睢陽誹陰詆是又折其棟而自速
 之壓也皆一之蠹亭之羞也不寧負侯我邑素稱鄒魯必有濠傑
 之士佩皇訓翊聖真以成侯志者猥云科名哉成不佞白首悵悵

居越山人贊
 高

秉燭嚮心竊有以窺一之藩弗敢棄也敬紀之大願與多士懋勉

祭雨巖百歲翁

維萬歷十年九月壬午秋九月日應某余某歸自武林抵鹿城齊告雨翁先生訃者兩小子汪然涕下痛大老之不慙也既抵家脩澗毛函辦香偕某致奠焉吁嗟乎先生乃今溘焉捐館百齡矣海內希覲矣小子齷齪何憾哉蓋聞穆叔稱不朽者三太上立德次立功次立言歐文忠乃謂脩於身矣不見於事可也脩於身見於事不見於言亦可也夫德行文章政事從古罕兼有其一足以垂不朽顧惟先生躋上壽兼之抑復何憾也先生生於成化以髫年遊穎澤英英抱奇從遊於鶴山公邑序我公大器之謂脩脩有鳳翔千仞之概乃竟困於黌序者四十年小試於文學者十餘年歸

溫州府志卷之...

寓 肅

休於林泉者四十年先生厚蓄淵海不蘄文而文成觀光有集居
閩有稿歸田有錄總之極理道闡性靈晚年猶注意樂律訂元定
之謬先生之文章稱不朽矣秉鐸漳南士推山斗署政平和民頌
甘棠教成林呂二大司成公潤色鴻業寓內翕然彬彬溯蘇湖之
自先生之政事稱不朽矣先生蚤失怙孝心純篤至不以生日稱
觴者終身居家庭則端心獻忠嘯之模嚴公庭則抗澹臺任崇之
節著聞臺臬表厥里曰聖世耆祥坊於郡曰熙朝人瑞先生之德
誼又如此乎不朽矣夫天厚先生以上壽將以遠且大者卑先生
先生兼之三不朽以託於世不為虛享乎上壽穆叔歐文忠所稱
於先生可無憾乎小子猶爾惻惜於先生之靈者則以鄉有老成
後學之典型也梁木壞兮安倚哲人萎兮安放乃今先生溘焉逝
也令儀日遠緒論尠聞即欲再搯几杖睹先生之行誼聆先生之

表 泗

卷之八

規訓弗可復矣德業於何考問羣疑於何請裁議論風猷於何取
 法嗟嗟小子徒飲泣含哀無及已嗚呼先生往矣先生之不朽者
 固歷世而長生也審於歷世長生而不朽者求先生如見先生矣
 小子又何憾也夫廼學楚些而系之歌歌曰山岸嵒兮蒼蒼海濛
 兮泱泱儲元精兮磅礴篤大老兮皓龐華國兮文章師世兮膠庠
 位不滿德兮卑愈光遊逍遙兮鯤鵬翔謝長沙兮賦柴桑登期頤
 兮神益汪稱人瑞兮耆祥孫子詵詵兮寢昌箕裘葉奕兮槐陰滿
 堂謝池賡和兮洛社齊芳靡弗足兮壽且康享壽以德兮彌無疆
 彼汶汶以沒世兮即錢鏗其猶陽惟抱不朽兮遊大荒孰生死兮
 孰存亡洵有涯與無涯兮又何須乎涕滂引精漿以一奠兮儼先
 生其如在乎洋洋

士林合祭陳雨巖百歲翁

與

指

維萬曆某年月日晚生某等謹以虞祭之三日函香酌酒致祭於
 鄉達尊百歲兩巖先生之靈詞曰於戲歸休乎先生真古所稱老
 成人而後學之典型哉夫世如脂如韋方誇詡相高先生獨鎮之
 以誠為梯為突方蒼黃決起先生獨持之以貞其剛方正直之氣
 巖巖嶽嶽可肩鴻鉅障顏靡乃急流勇退無沙鷗野鷺而爭盟不
 揖郡侯不見邑宰高風雅概已足以廉頑立懦而萬石君之醇謹
 正獻公之嚴肅尤斤斤乎先民之程若其白首窮經靡倦於勤淹
 貫百家海富淵澄片言隻字鏗鏗錙錙詞鋒筆陣勁掃千軍直駕
 晉魏而迨西京觀光有錄測海有錄居閩歸田有集即案積箱盈
 然總之攄靈發性大異乎風雲月露之之形至於補邑乘剖別六
 曹吏癸民隱如悉捐掌辦樂律精研於分寸尤能於數百代後訂
 史遷之謬抗季通而持衡此其立德立言允矣士林山斗夫乃海

居越山人贊馬

温州府圖書館藏

墓

國之委和盡於先生乎萃其精英不然胡富壽康寧備箕疇之完
 福而趨庭象美振詩禮於繼繼繩繩自宜者祥人瑞臺撫大書表
 厥宅里流不朽之光聲於戲有涯者形無涯者靈即今欽彩含晶
 奉還大造其不可埋藏者終當化吐虹之壁否則挺墓旁長文之
 著塋使開物成務以趨以承夫豈與草木同腐則後生晚學亦何
 必戚戚然長恨而吟嚶於戲士不虛附鄉無私評如先生以完德
 而全歸也竟當分宮墻之俎豆食千秋之藝蘋顧椒糝一薦其竊
 竊畏壘之尸祝歟夫亦聊以寄乎嚮往之同情先生有知乎無知
 乎昔人謂聖人神遊天庭如水在地掘地得水則精誠應嚮先生
 宜駕風鞭霆來鑿我等於冥冥

師友合奠王生文

維萬歷十一年歲次癸未二月朔甲子經師應子某同門友某某

纒亢

恬

姻友某某合奠於王叔子雲石博士之靈俎歲之除夕前旦未子
自麻城歸曾無恙也抵暮則稍稍弗怡俄而疾壅語塞修作文郎
逝矣悲乎傷哉諸友痛叔子之賢溘然天也仰天長恨謂應子泰
居一日長宜哭以辭補天道之漏嗚呼有可詰之天有不可詰之
天樸茂如王生篤志如王生友愛切德如王生而嗇之以年也天
不可詰矣悲乎傷哉生早失恬教成於伯兄氏砥行好修甫弱冠
登膠序英英抱竒一試輒先多士則掇危躋臚固其囊中物耳乃
伯兄負越石之冤茹污解焚百苦疚心即代兄之孔融脫父之提
縈亦弗是過宜有以上動皇天也竟不祿如斯傳曰天道無親常
與善人然歟非歟追維兄視生學舍卒歸暴死生固以抱無涯之
恨矣含哀力學冀以元宗報仲氏於泉扃胡然亦遭此災一以廿
五而早夭一以三十而繼歿孤寡一門形單影隻遺一女終兩月

居越山人書馬

舉一男甫四齡吞聲飲泣風悲鳴鳥訴鴻哀木石為之酸心矣悲
 乎傷哉生狀甚偉美髯鬚乃悛悛退讓如不勝衣余將於生有厚
 後也諸同志方藉其漸劇為行誼文學之資而顏氏遽殞惠子先
 殂斯文之痛研席之悲疇能不為王生憑天大慟也嗟夫嗟夫東
 流日注西烏日昃彭殤亦等死耳余獨痛夫賢者禾才者促天遠
 默默巫咸罔測為可涕滂也雖然生之夭者其小年乎生有大年
 於家庭稱悌弟於鄉邦朋儕稱信人稱篤士即今溘然而逝訃聞
 遠邇識不識共為之流涕其視炫耀一時湮沒無聞者又孰夭而
 孰壽孰亡而孰存也耶天道靡常或翕而張叔子視兄如父而兄
 有弗撫而子如子非夫矧而子孩能旦暮哭泣如成童天無畷其
 躬而豐於其元乎哲人洞觀養空而遊王生以完德夭存順也歿
 寧也昌後且有允子又何於天乎深求哉陳詞哀奠淚雨盈盈英

忝

魂有知鑒矣我冥冥尚饗

代詞奠陳子德

嗚呼朝菌以旦暮為年蟋蟀以春秋為年靈椿以八千歲為年總
 之修短不齊有數存焉故殤非早世彭非永延自形氣之始昇業
 已定於不可衰益之天惟修身俟命體受歸全則蓋棺之所以稱
 賢嗚呼若陳仲子之不祿也數矣夫其情良可痛悼而其志尤不
 宜默默乎無傳矧某等誼同研席愛添姻媿能無一詞用慰幽悵
 仲子仁心為質銳志遺編將培風以翱翔乃槍榆而迳遭曾雄心
 之少挫乞下帷而彌堅意承考以用譽忽椿庭之飄翩抱風木而
 長恨俄伯兄之重捐烏哀哀而泣夜鴿了了兮悲原叢二憂以疾
 心鬱危疾其糾纏俞父罔治陪生奚占甘從父兄於地下夫亦有
 不可逃之數以默奪乎其間嗚呼仲子之死死死於痛父悲兄同此

惻怛疇不為之哀憐考終數語友愛拳拳厥壽有限厥德無愆彼
 汶汶以長世即黃耆亦贅疣又奚貴夫龍鍾之鏗佺嗟嗟脩短天
 也賢不肯人也孝友如仲子令人吁挹無已時據其懿美則皆可
 誌而可鑄隱德未究賡志重泉幽明遠隔淚雨徒潺聊修詞以一
 奠儼英魂之如前惟哲人之道遙付壽夭於超然

淤

平邑城內後河詩

應端秩

弓橋至東門後河一帶水昔之北濼河北城從此止兩山抱雉堞
 規方里許耳元至正年間擴而為三里爰拆北塘石移而砌諸此
 塘在河之心石廢尚留址迄今旱乾時宛在水中底弓橋以西河
 游塞今久矣舊志余親見歷歷皆堪指厥後志書中其詳不及是
 滄桑迭遷歲月如流矢余恐久無徵作歌補野史
 應端秩字元常德成孫崇禎乙卯副榜思貢知宜賓縣以廉能
 著綽有祖風攝府篆旋攝道篆時張獻忠作亂圍城端秩堅守
 城陷不屈死之長子東邵都司僉書次子東砥通判與難見邑
 乘卷十五忠臣純古錄

卷

一、...
 二、...
 三、...
 四、...
 五、...
 六、...
 七、...
 八、...
 九、...
 十、...
 十一、...
 十二、...
 十三、...
 十四、...
 十五、...
 十六、...
 十七、...
 十八、...
 十九、...
 二十、...
 二十一、...
 二十二、...
 二十三、...
 二十四、...
 二十五、...
 二十六、...
 二十七、...
 二十八、...
 二十九、...
 三十、...
 三十一、...
 三十二、...
 三十三、...
 三十四、...
 三十五、...
 三十六、...
 三十七、...
 三十八、...
 三十九、...
 四十、...
 四十一、...
 四十二、...
 四十三、...
 四十四、...
 四十五、...
 四十六、...
 四十七、...
 四十八、...
 四十九、...
 五十、...
 五十一、...
 五十二、...
 五十三、...
 五十四、...
 五十五、...
 五十六、...
 五十七、...
 五十八、...
 五十九、...
 六十、...
 六十一、...
 六十二、...
 六十三、...
 六十四、...
 六十五、...
 六十六、...
 六十七、...
 六十八、...
 六十九、...
 七十、...
 七十一、...
 七十二、...
 七十三、...
 七十四、...
 七十五、...
 七十六、...
 七十七、...
 七十八、...
 七十九、...
 八十、...
 八十一、...
 八十二、...
 八十三、...
 八十四、...
 八十五、...
 八十六、...
 八十七、...
 八十八、...
 八十九、...
 九十、...
 九十一、...
 九十二、...
 九十三、...
 九十四、...
 九十五、...
 九十六、...
 九十七、...
 九十八、...
 九十九、...
 一百、...



温州图书馆

WENZHOU LIBRARY

手

序跋

越山應先生吾鄉耆宿也少與同里王敬所祚從麻城劉魯橋先生講良知之學明萬歷中以選貢令粵西桂平禮士愛民著有政聲乞歸養杜門不出年近百齡所著述甚富並藏於家國初海氛未靖子姓避徙遂以散亡老友應君宏烈其五世從孫也慨念先澤乎為抄輯僅得詩文如干首并為一帙出以示余因稍訂其亥子次為三卷題曰居越山人遺稿而識數語於後以歸應君若夫發揚芳韻序之簡首自有當世之知言君子在余又何敢贅云
乾隆戊戌六月五日潛齋張綦母書

補遺

題冬青樹

國破何人痛陸沈
草茅洒淚入寒林
玉魚地圻悲殘骨
藥籠天低照苦心
猿嘯斷崖秋露冷
鶴歸荒塚野雲深
只今剩有冬青樹
瑛玉山頭幾度尋

滑稽生傳

滑稽生不知何始人燧人以前無考也或曰泰山山螿之遺裔或曰羽觴子嬰瓶子主爵都尉皆其族屬以故滑稽生一用事而族屬俱起居醴泉轉遷曲江其人昂頭顰眉大腹形類虜因名胡有詆之者曰胡腹中何有生惟仰面視舌口不言人樂其能容多親昵交歡至有忘飲食旦暮渴欲得之者生又善結美人為媚悅傾危之術後先相率引至溺人夏禹時美人挾生入宮中得吐

心腹稱旨禹瞿然戒曰此口蜜禍人家國者不可近并美人疎絕
之令宮中無得納生道淫亂自是不復著世其後子姓嗣續亦稱
滑稽生至商王紂復著用事与妲己日夜蒙愛幸無比紂為環丘
池處生於中縱容三千人盤樂怠政事卒以亡國其餘孽猶蔓延
於舊都河洛之間武王滅商有天下封康叔於衛因作大誥戒沫
邦無敢匿生欲盡滅其族生訴商王亡國非專臣咎特不善用臣
耳居常執事廟廷郊祭燕享頗有微勞即民間冠婚聚會解仇結
好力亦多助焉奈何盡滅臣用是得不族誅謹禮自飭衛武會卿
士復藉生賓筵作抑戒其属寢昌編遊於齊楚君公之門浮沈取
寵善移易人性行誤事最不可与臨戎楚常与晉戰鄢陵穀陽豎
子進之子反敗績子反伏誅遂亡去魯楚薄生於魯与齊共圍邾
邾邾邾趙地蓋嫁禍於趙也其傾危一至於此生聚族謀曰吾属


過多此非聖人不能容我因往歸仲尼仲尼令生去圓就方立廉
隅乃收其觥百數不及於亂真聖人之德量能如此他勿易乃矣
穎川灌夫氏名動諸侯嘗共魏其於武安侯所挾生狂諄怒武安
擯獄東陽賜魏其灌夫死而武安亦止杜陵有孟公者負才豪時
稱陳驚座云与生莫逆交揚雄託鷗夷諷美之然數縱不檢過寡
婦左阿君家玷壞名節為御史陳崇劾罷以生故往乃取敗者類
是多不可數浸淫入江左劉阮嵇山畢謝之流提携出入搯手忘
形世殊要結為死友著德頌盛稱生所長或譜或述其行著為經
晉祚卒以傾夷其禍益濫觴徧天下後世獨醒子因操觥數其罪
曰汝形不滿三尺器不過斗筲有何功能糜民間食粟附熱取寵
煬毒人暴止人家國貽世乃禍於是上其狀於大司馬法正法正
曰胡虜乃釀禍如此罪當烹盡滑稽之屬趣就鑊烹之凡稱主爵

都尉及嬰瓶羽觴氏不問尊卑俱棄市大申明禹武王誥戒昭示於中外來世著為令

太史公曰獨醒子罪狀滑稽生余以為未盡然按狀生之孽由腹心陸譖可首論時生不宜藏匿非法耳藉令如法烹生而縱譖有不轉而匿於大豪如萬石君家乎即萬石家醇謹不為害又不轉而匿於屠沽乎何以靖中外乃唐子西傳稱譖才美意甚謬雖然世之引用腹心不法者何限卑々乎又奚較乎陸譖與滑稽之作孽為也

右居越山人遺稿三卷明應德成著德成字遐進號越山金
鄉衛人嘉靖間以選貢授桂平令因母老乞養歸行李蕭然
邑父老子弟有泣送至蒼梧者仰止錄稱其志卓養粹博洽
經史嘗與同里王祚從學師劉魯橋誦良知之學其為政之
能得人心有以乎乾隆平陽志謂德成著有春秋源流紀畧
古今名臣言行著鑑錄時令紀周易序卦反對義彙踦履集
等書今均未見此本从永嘉徵輯鄉哲遺著會鈔本錄出計
詩二卷文一卷張跋云由德成五世从孫手鈔本訂誤編次
題以今名而陳氏古歡堂叢鈔本於標目下注以踦履集三
字此稿或即為踦履乎惟此本較之古歡堂本多詩二首而
古歡堂本有題冬青樹一詩滑稽生傳一文為此本所無者
特為補錄於後又卷末附德成孫端秩一詩以端秩於明止

後為國守土全家殉焉可謂無忝厥祖故並存焉
丁丑春三月海髯王理學



溫州市圖書館

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

0282